

游金精山記

曾元一

金精山在甯都西郊十五里未至縣一舍外望陣右截雲丹巖
翠壁煙靄明滅知為神仙區宅出北門渡拱辰橋折而西入至
蒼山篔簹谷石峰已漸獻奇昂首尻坐作伏獅狀項湊圓石如
懸鈴是為獅子峰入青牛峽清澗出嵌壁下諸石魁岸擁道山
氣清肅愈前愈奇不一名狀拏龍而驤馬困立而屏張截者玉
削跂者鵬飛銳者圭列展者旗揚界立者如劔剖鋸者壁峙者
如鐵城環闔穴聚者蜂巢燕壘石脂搖光者高凝液流高岫出
雲者炊氣鬱蒸千奇萬異駭目怵心石之著名者十有二峰獅
子其一焉微圓而長承以盤砥如茵苔出擎蓋中者蓮花峰也

道藏輯要

天下名山記
江西金精山會

聖

軫集三
八三〇

雙峰合峙中泐至麓如僧作禮梵唄者合掌峰也雙石顛頓中
出孤木枝葉扶疎如帶葉果釘者仙桃峰也削壁堊色石紋墨
縷拂布石面者披髮峰也怒踞當道眈眈俛視者伏虎峰也林
木蔥蔚蒼翠輝明者翠微峰也闕河前立與靈泉仙龕對者望
仙峰也瓏玉疊瓊巒石叢珍者三巘峰也萬篠叢生根柯特異
者瑞玉峰也千仞削聳中通洞天者凌霄峰也豐首低尾色如
渥丹狀如腰鼓者石鼓峰也回峰有竇出半壁中裂修縫垂掾
藤樵牧黠勇者扳藤猱升窺洞中極廣敞宛然廳堂房闔舊傳
有金牀玉几是名碧虛洞焉有石遠睇如鋸近則團立直上有
金縷者黃竹峰也峰麓崎險路絕梯登兩石傾軋中僅綫通匍

匐登其巔廣平可容千家兩泉湧出甚冽極旱不涸中更寇亂
辟而塞居者多得免焉茲十二峰亦隨見指名要未盡茲山奇
也陽靈觀在羣石間最佳處自仙桃閣入石爲甕戶啟戶穿行
曲棧環石自一區具巖覆之仰視天空如規像真仙其間層殿
複閣屋無陶瓦而不能侵巖頂懸木鶴能隨四時轉指巖面飛
泉潺湲日夕如雨自殿沿崖曲折下石益蹙氣益肅靈泉白石
罅迸瀉乃委蛇出味宜茶遊人不敢葷酒久相傳謂嘗犯者暴
雷雨並至此要亦氣森冷令人栗膚况仙靈禱輒應人自不敢
瀆也按雲笈七籤云茲山乃三十五福地漢初女仙張麗英字
金華飛昇所志云山下民家女生有異質年十五偶於山中拾

道藏輯要

天下名山記
江西金精山會

醫

軫集三
806

桃二顆以一奉母化爲石自餐其一頓忘飢渴遺核亦化石謂
今仙桃峰是後積功行乃仙初長沙王吳芮平閩越道過邑聞
仙名強委禽焉父母欲許之真人爲使者曰吾名仙階暫混塵
境幸無辱使者還報芮以兵入山求之真人乘雲空中語曰吾
金星之精降治此山汝宜爲民立壇祈福芮始懼謝仙已冲天
矣仙屢以祈雨應封靈泉普應真人宋徽宗朝崇甯間封之飛昇時歌詩
十八章今存其五一日哀哀世事悠悠吾意不可抗兮王威不
可奪兮余志二日石鼓石鼓悲哉下土自我來觀民生實苦三
日有鸞有鳳自舞自歌何爲不去蒙垢實多四日凌雲爍漢遠
絕塵羅世人之子於我其何五日暫來斯會通往卽乖父兮母

兮毋傷我懷其辭高古固漢人文章首篇竦然女節餘篇超塵
逸氣可想其末章不忘其親又人心天理之真章貢舊誌謂其
詞鄙俚不收俗盲可歎哉

道藏輯要

天下名山記
江西金精山卷

聖

軫集三
上女